

## ՀԱՐՑԱՔՆՆՈՒԹԵԱՆ ԵՆԹԱՐԿՈՒԱԾ Է ՀՆՉԱԿԵԱՆ ԿՈՒՍԱԿՑՈՒԹԵԱՆ ԱՏԵՆԱՊԵՏԸ

Մարտ 13-ին Հայաստանի իրաւապահ մարմիններուն կողմէ բերման ենթարկուած է Ս.Դ.Հնչակեան Կուսակցութեան ատենապետուհի Լուսինի Սարգսեանը:

Դատախազութեան շէնքէն ներս տեղի ունեցած հարցաքննութիւնը տեւած է մօտ 8 ժամ, որու ընթացքին Ընկերուհի Սարգսեանին ուղղուած հարցումները բացառապէս եղած են քաղաքական բնույթի, կապուած՝ Կուսակցութեան գործունէութեան, կեցուածքներուն, սփիւռքի կառուցներու տեսակէտներուն, հանրահաւաքներու ընթացքին իր ունեցած ելուցներուն եւայլն:

Լուսինի Սարգսեան բոլոր հարցերուն պատասխանած է յայտարարելով, թէ ինք եւ իր Կուսակցութիւնը գործած են ու պիտի շարունակեն գործել Հայաստանի Սահմանադրութեամբ վերապահուած իրաւունքներու շրջագիծէն ներս:

Վկայի կարգավիճակով տեղի ունեցած հարցաքննութեան ընթացքին Հնչակեան Կուսակցութեան ատենապետի կողքին եղած է իր դատապաշտպանը:

Նոյն օրը, ուշ երեկոյեան Ընկերուհի Սարգսեան ազատ արձակուած է, երկրէն չբացակայելու մասին թուղթ ստորագրելէ ետք:

## ԹԵՐԹԵՐԸ ԼՈՅՍ ՊԻՏԻ ՏԵՍՆԵՆ՝ ԱՌԱՅ ԳՐԱՔՆՆՈՒԹԵԱՆ ՄԻԱՅՆ

«Առաւօտ», «Հայկական ժամանակ», «Հայք», «Տարեգիր թերթերու խմբագիրները «Ազատութիւն» ռատիոկայանին յայտնած են, որ լոյս պիտի տեսնեն միայն մէկ պարագայի՝ եթէ դադարի պետական գրաքննութիւնը:

Հայաստանի Ազգային Անվտանգութեան ծառայութեան մամուլի կենտրոնէն ռատիոկայանին յայտնած են որ, արտակարգ դրութեան վերացումէն յետոյ տպարաններու մէջ ալլելու գրաքննիչներ պիտի չգտնուին:

«Եթէ նորից շարունակուի գրաքննութիւնը, մենք չենք կարողանալ աշխատել, որքան էլ ցանկանանք», - ըսած է «Առաւօտ» օրաթերթի գլխաւոր խմբագիր Արամ Աբրահամեան: «Դա ոչ թէ գործադուլ է, բողոքի ցոյց է կամ ինչ-որ քաղաքական ցոյց է. դա պարզապէս պրոֆեսիոնալ աշխատանքի նախապայման է եթէ դու տալիս ես միայն պաշտօնական տեսակէտը, իշխանութեան տեսակէտը, եւ չես տալիս հակառակ տեսակէտը, դու դադարում ես լրատուամիջոց լինելուց:

## ՄԻՆՉ ԿԸ ԶԱՐՈՒՄԱԿՈՒԻՆ ԸՆԴԴԻՍԱԴԻՐ ԳՈՐԾԻՉՆԵՐՈՒ ԶԵՐԲԱԿԱԼՈՒԹԻՒՆՆԵՐԸ ԺՈՂՈՎՐԴԱՅԻՆ ԶԱՅՐՈՅԹԻՆ Ի ՏԵՍ՝ ԻՇԽԱՆՈՒԹԻՒՆՆԵՐԸ ՆՈՐ ԱՐԳԵԼՔՆԵՐ ԿԸ ԴՆԵՆ ՑՈՅՑԵՐՈՒ ԴԵՍ

Մարտ 1-ի ու անոր յաջորդած իրադարձութիւնները կը շարունակեն հանդիսանալ Հայաստանի ու արտասահմանի հայութեան գլխաւոր մտահոգութիւնն ու խօսակցութեան առարկան: Գործող իշխանութիւնները մտահոգ արտակարգ դրութեան աւարտին սպասուող ժողովրդային գայրոյթի դրսեւորումներէն եւ քաջ գիտակցելով որ, ուշ թէ կանուխ հաշիւ պէտք է տան իրենց գործած ոճիւրներուն համար, այժմ կը փորձեն առաւելագոյն ճնշել ժողովուրդի վրայ՝ սահմանափակելով երկրէն ներս քաղաքական ազատութիւնները եւ շարունակելով ընդդիմադիր գործիչներու դէմ հալածանքն ու ձերբակալութիւնները:

Արդարեւ՝ Ազգային ժողովը արտակարգ նիստի մը ընթացքին կատարեց օրէնսդրական փոփոխութիւններ, որոնք հնարաւորութիւն կու տան արգելելու զանգուածային միջոցառումները՝ հանրահաւաքները, երթերը եւ ցոյցերը:

«Ժողովներ, հանրահաւաքներ, երթեր եւ ցոյցեր անցկացնելու մասին» օրէնքին մէջ կատարուած փոփոխութեան համաձայն, «զանգուածային միջոցառումները լիազօր մարմնի կողմից կարող են արգելուել, եթէ ըստ հաւաստի

տուեալների՝ դրանք ուղղուած են սահմանադրական կարգը բռնի տապալելուն, ազգային, ռասայական, կրօնական ատելութիւն բորբոքելուն, բռնութիւն կամ պատերազմ քարոզելուն, կամ կարող են յանգեցնել պետական անվտանգութեան, հանրային կարգի, հանրութեան առողջութեան եւ բարոյականութեան խաթարմանը, այլոց սահմանադրական իրաւունքների եւ ազատութիւնների ոտնահարմանը»:

Օրինագիծի այս եւ այլ հատուածները այնքան լայն շրջագիծ կ'ընդգրկէ, որ կարելիութիւն կ'ընձեռէ արգելելու որեւէ հանրահաւաք կամ ցոյց:

Բռնատիրութիւնը աւելի խորացնող այս օրինագիծին ի նպաստ քուէարկեցին Հանրապետական, Բարգաւաճ Հայաստան եւ Օրինաց երկիր կուսակցութեան պատգամաւորները, ինչպէս նաեւ իշխանութեան գիրկը վերադարձած Հ.Յ. Դաշնակցութիւնը: Օրինագիծի այս փոփոխութեան դէմ քուէարկեցին Ռաֆֆի Յվհանէսեանի «Ժառանգութիւն» կուսակցութեան պատգամաւորները:

Ընդդիմադրութեան կարծիքով՝ օրէնսդրական փոփոխութիւնները կոպտօրէն կը խախտեն մարդու իրաւունքները եւ ազատութիւնները:

## ՇՆՈՐՀԻՒ ԱՍԵՐԻԿԱՅԱՅՈՒԹԵԱՆ ԿԵՑՈՒԱԾՔԻՆ ՄԻԱՑԵԱԼ ՆԱՅԱՆԳՆԵՐԸ ԿԸ ԿԱՐԾՐԱՑՆԵ ԻՐ ԴԻՐՔԸ ՀԱՅԱՍՏԱՆԻ ԻՇԽԱՆՈՒԹԻՒՆՆԵՐՈՒՄԻՆ ԿԱՍՏԱՍԲ

Անցնող շաբթուայ ընթացքին Միացեալ Նահանգներու կառավարութիւնը սկսաւ աւելի բարձր մակարդակով ու աւելի խիստ բառերով քննադատել Հայաստանի իշխանութիւններու վարած հակա-նութիւնը եւ բռնամիջոցներու օգտագործումը: Այս բոլորի մէջ իրենց դերը ունեցան բազմահազար ամերիկահայեր, որոնք ցոյցերով, նամակներով եւ այլ միջոցներով իրենց տեսակէտները լսելի դարձուցին Ամերիկեան պետական շրջանակներու մօտ:

Հայաստանի մէջ տեղի ունեցած վերջին իրադարձութիւններէն ասդին, առաջին անգամ ըլլալով յայտարարութեամբ հանդէս եկաւ նաեւ Սպիտակ Տունը:

«Հայաստանի կառավարութիւնը պէտք է սպահովէ օրէնքի գերակայութիւնը, վերացնէ արտակարգ դրութիւնը եւ վերականգնէ մամուլի ազատութիւնը: Մենք կոչ կ'ընենք քաղաքական երկխօսութիւն սկսելու կառավարութեան եւ ընդդիմութեան միջեւ՝ իրավիճակը կարելի եղածին չափ արագ կարգաւորելու հա-

մար», - յայտարարեց Սպիտակ Տան խօսնակ Թոնի Ֆրանսո:

«Միացեալ Նահանգները կը դատապարտէ Մարտի 1-ի եւ 2-ի բռնութիւնները, որոնք հետեւանքով մարդիկ գոհուեցան, եւ ասոր հետեւած իշխանութեան գործողութիւնները, ներառեալ ընդդիմադիրներու ձերբակալումը, մամուլի ազատութեան, ինչպէս նաեւ հաւաքուելու իրաւունքի սահմանափակումը», - ըսուած էր Սպիտակ Տան յայտարարութեան մէջ:

Միւս կողմէ, Միացեալ Նահանգներու Պետական Քարտուղար Գոնտրիգա Ռայս, Գոնկրէսի առջեւ վկայութեան մը ընթացքին յայտարարեց որ, արտակարգ դրութիւնը պատճառ կը դառնայ, որպէսզի սառեցուին Հայաստանին տրուող որոշ ամերիկեան օգնութիւններ: Թէեւ նախարարը չի յստակացուց թէ, ինչի կ'ակնարկէ, սակայն ենթադրութիւնը այն է թէ, խօսքը կը վերաբերի «Հազարամեակի Մարտահրաւէր» ծրագրին, որու շրջագիծէն ներս Հայաստանի յատկացուած էր 235,6 միլիոն տոլար օժանդակութիւն:

Հազարամեակի Մարտահրա-

«Այդ փոփոխութիւնները խախտում են Եւրոպայի Խորհրդի վեներիկեան Յանձնաժողովի հետ համաձայնեցուած գործող օրէնքի սկզբունքները եւ հնարաւորութիւն են տալիս կամայականօրէն արգելել ցանկացած զանգուածային միջոցառում: Դրանով կոպտօրէն խախտուած են ինչպէս Սահմանադրութեամբ, այնպէս էլ համապատասխան միջազգային կոնվենցիաներով ընդունուած, մարդու իրաւունքների եւ ազատութիւնների կարեւորագոյն նորմերը, ազատ հանրահաւաքների հիմնարար իրաւունքը», ըսուած է Լեւոն Տէր-Պետրոսեանի գլխաւորած Համա-ժողովրդական Շարժումի կեդրոնին կողմէ՝ հրապարակուած յայտարարութեան մէջ:

«Չենք կասկածում, որ միջազգային հանրութիւնն ու նրա իրաւասու կառուցները համարժէք գնահատական կը տան ոչ միայն սեփական ժողովրդին խեղդելուն, այլ նաեւ համամարդկային արժէքները անարգելուն ուղղուած այս քայլին:

«Ոչ մի ժողովուրդ չի ընդունի նման անարգանք ու կապանքներ: Առաւել եւս՝ հայ ժողովուրդը, որը վերջին կէս տարուս համաժո-

Շաբ.ը էջ 4

Շաբ.ը էջ 4